

Lukus empurah

Niqan kingal tgswayi bi laqi mu kuyuh, Kuxul na balay plkusun ka lukus o embanah lhang niya, uusa marig lukus na o lngisan na kdjiyax ka bubu na ni miyah lmingis knan uri, mha ta bi marig knuwan ka lukus mu msa rmngaw kdjiyax.

Niqan kingal jiyax, pklug bi msangay ka qpahan mu, yami kuyuh mu o mnprngaw nami ni sai ta marig lukus plkusun n aka tgswayi bi laqi kuyuh nii mkksa nami. Musa nami alang Skangki o madas nami tgswayi bi laqi kuyuh, mksa nami ksaan sbrigan lukus siida o kmgaaw na aji kuxul qmita kana, muda nami bi sbrigan lukus laqi do, niqan kingal ka lukus empurah ni suyang bi qtaan, slingan mu ka seejiq pusu sbrigan, piya pila brigun ka lukus nii hug msa ku smiling o “ mrimal kbkuy ” msa, “ Yayal kngkrayan ” msa nami smbbilaq empprngaw ka kuyuh mu. Laqi nii ga ida wana lukus empurah nii ka dowriq na da, bitaq tnglingis rmngaw quri buan niya, “ nii nii ” msa tmiyu quri lukus empurah ka baga na, rmngaw hyaan ka bubu na “ Yahan hug, mkray bi brigan, nasi mangal pila ka tama su dga, yahi ta marig da ” sun na rmimu rmngaw ka laqi kuyuh nii, babaw embahang kari

bubu na do asi pmbaraw quwaq na mjiras lmingis nhari, “ Ah! pgealu bi ” msa ku lmnglung ni asi ku usa nhari mangal patas skuan pila mangal ku pila mrimal kbkuy, bitaq mu wada brigan haya ka lukus o hana mqaras mhulis, aji hmut qaras na dni asi na sai tmhabuk tmunguh quwaq ka bubu na ni yahan kuna tmhabuk tmunguh quwaq ka yaku uri.

Lukus nii o suyang bi qtaan, asi bi saw snpung hiyi na smalu, ida qulung wada mlukus o asi qseejiq qtaan, bitaq na spqita kana qbsuran na snaw ni qbsuran na kuyuh, lukus nii ka plkusan na musa matas ptasan prjingan kdjiyax. Wada na plkusan bsiyaq balay ka lukus nii, paru hici do sbgay na laqi kuyuh qbsuran na snaw da, ini na biqi seejiq, yasa krwahun na balay.

Lqlaqi sayang o smkuxul balay mlukus lukus empurah kana,yasa empurah o suyang bi taan lhang niya gmeeluk bi dowriq qtaan uri ni ini hari qtai ruciq na plkusun uri.

新衣服

最小的女兒喜歡穿紅色的衣服。有天，我跟太太帶著最小的女兒走在花蓮市賣衣服的街上，她一直望著紅色的衣服，太太說：「等等好嗎，因為很貴，爸爸領到錢了，再買」，最小的女兒立刻放聲大哭，我不忍心，立刻提款買衣服，衣服像是為她量身訂做，非常漂亮。這件衣服她很珍惜，穿了很久，長大了以後就留給哥哥的女兒。

現在的孩子很喜歡穿很鮮艷的衣服，因為鮮艷的衣服很吸引人，衣服髒了又不太容易看到。